

BOSNA I HERCEGOVINA
Komisija za izbor i imenovanje članova Centralne izborne komisije BiH

U skladu sa članom 2.5 stav (1) i (5) Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i Odluke o raspisivanju javnog konkursa za izbor i imenovanje člana Centralne izborne komisije Bosne i Hercegovine broj: 05-1-34-2-368-12/21 od 03.03.2021.godine, Komisija za izbor i imenovanje članova Centralne izborne komisije BiH, raspisuje

JAVNI KONKURS ZA IZBOR I IMENOVANJE

- jednog (1) člana Centralne izborne komisije Bosne i Hercegovine iz reda hrvatskog naroda

Trajanje mandata: Mandat imenovanog člana traje sedam godina.

Kratak opis poslova: Provedba Izbornoga zakona BiH i Zakona o finansiranju političkih stranaka.

Potrebne stručne kvalifikacije: visoka stručna sprema, pravni stručnjaci s iskustvom u provedbi izbora i/ili izborni stručnjaci.

Kandidati ne mogu obavljati dužnosti u organima stranke, udruženja ili fondacije koje su organizaciono ili finansijski povezane sa strankom, niti mogu biti uključeni u bilo kakvu stranačku aktivnost (član 2.5 stav (2) Izbornog zakona BiH)

Za člana Centralne izborne komisije Bosne i Hercegovine neće biti imenovano lice ukoliko postoji neki od razloga utvrđen članom 2.3 Izbornog zakona BiH.

Uz prijavu na javni konkurs kandidati su dužni priložiti dokaze o ispunjavanju općih i posebnih uslova i to:

1. Uvjerenje o državljanstvu (ne starije od šest 6 mjeseci) i dokaz o prebivalištu u BiH;
2. Izvod iz matične knjige rođenih;
3. Ljekarsko uvjerenje za obavljanje tražene funkcije;
4. Dokaz o odgovarajućoj školskoj spremi;
5. Dokaz o radnom iskustvu (najmanje pet godina nakon stečene visoke stručne spreme, odnosno visokog obrazovanja)
6. Uvjerenje da se protiv kandidata ne vodi krivični postupak (ne starije od tri 3 mjeseca);
7. Dokaz kojim se potkrepljuju stručne kvalifikacije navedene u prijavi.

Dokazi koji se prilažu moraju biti original ili propisno ovjerene kopije.

Kandidati koji ispunjavaju uslove javnog konkursa bit će pozvani na intervju. U razgovoru s kandidatom pozvanim na intervju, Komisija za izbor i imenovanje će ocijeniti da li isti ispunjava uslove iz člana 2.5 stav (2) Izbornog zakona BiH (posjedovanje iskustva u provedbi izbora).

Prijave na javni konkurs sa dokazima o ispunjavanju uslova podnose se u roku od 15 dana od dana objave javnog konkursa u „Službenom glasniku BiH“. Javni konkurs bit će objavljen u sredstvima javnog informisanja dostupnim svim građanima BiH, i to u dnevnim novinama: „Dnevni avaz“ Sarajevo, „Glas Srpske“ Banja Luka, „Večernji list“ Mostar, te na internet-stranici Centralne izborne komisije BiH, www.izbori.ba.

Prijave na javni konkurs podnose se na propisanom obrascu koji se može dobiti u Centralnoj izbornoj komisiji Bosne i Hercegovine, te na internet-stranici Centralne izborne komisije Bosne i Hercegovine, www.izbori.ba.

Prijave se dostavljaju putem pošte ili predaju lično na adresu Centralne izborne komisije Bosne i Hercegovine, ulica Danijela Ozme 7, 71 000 Sarajevo, s naznakom "za javni konkurs".

Nepotpune, neblagovremene i neuredne prijave, prijave kandidata koji ne ispunjavaju uslove ovog javnog konkursa, kao i kopije tražene dokumentacije koje nisu ovjerene, neće se uzimati u razmatranje.

Sarajevo, 03.03.2021. godine